

# BCG sustegna la Psichiatria per uffants e giuvenils dal Grischun cun 10'000 francs

Cuira, ils 14 da november 2017 – En il num da sias collavuraturas e ses collavuratur regala la Banca Chantunala Grischuna (BCG) a la Psichiatria per uffants e giuvenils dal Grischun 10'000 francs or da ses fond da contribuziun. Questa acziun d'advent da la banca a favur d'ina organisaziun d'utilitad publica ha gi lieu per la dieschavla giada.

Heidi Eckrich, gestiunaria e schefmedia da la Psichiatria per uffants e giuvenils dal Grischun ha grond plaschair da la donaziun da la BCG: «Quai è in grondius regal. Cordial engraziament a las collavuraturas ed als collavuratur da la BCG». Sco center da cumpetenzza maina la Psichiatria per uffants e giuvenils dal Grischun tranter auter ina chasa da dimora ed ina chasa per l'instrucziun speziala d'uffants e giuvenils obligads dad ir a scola. Cunquai ch'els na pon per motivs psichics betg frequentar la scola publica, als porscha la Psichiatria per uffants e giuvenils dal Grischun assistenza, scolaziun, occupaziun e terapia confurma als basegns.

Cun ses fond da contribuziun s'engascha la BCG per la regiun e surpiglia responsabladad sociala. Ella promova e sustegna cun var dus milliuns francs ad onn projects nuncommerzials en e per il Grischun, e quai en ils secturs cultura, utilitad publica, sport, economia/turissem e societad. L'onn 2017 èn quai stads passa 400 projects.

Ulteriuras infurmaziuns: [Psichiatria per uffants e giuvenils dal Grischun](#) e [fond da contribuziun BCG](#).

### Contact per ils collavuratur da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

Plutarch Chiotopulos, [plutarch.chiotopulos@gkb.ch](mailto:plutarch.chiotopulos@gkb.ch), telefon +41 81 256 83 13

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa 993 collavuraturas e collavuratur (stadi dals 30-06-2017). En il chantun Grischun cun sias numerusas vals e pliras linguas, è l'interpresa represchentada cun 58 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 24,5 milliardas in gudogn dal concern da CHF 98,7 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Quint annual 2017: 9 da favrer 2018

Radunanza dals participants: 5 da matg 2018

---